



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Margarita Evangelica

Essche, Nicolas van

Coloniae, 1545

de cautelis, ne intus decipiamur. 10. & 11

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

LIBER II.

sue de cordis instabilitate, siue de sensuum in-  
 stodia, siue de sinistra intentione, siue de inordina-  
 ta tristitia in spiritalibus ac secularibus rebus, si-  
 ue de donorum Dei abusione, siue de beneficio-  
 rum eius ingratitude, siue de negligentia pro-  
 sciendi, siue de negligentia præceptorum atq; con-  
 siliorum Dei obseruatione, siue demum de diffi-  
 militudine a crucifixa imagine Iesu Christi.

¶ De his atq; similibus multis imperfectioni-  
 bus atq; defectibus reprehendit Deus & arguit  
 interius hominem pro bono suo suaq; salute: &  
 ideo se studiose applicare & intus & exterius q-  
 etem seruare debet, atq; auscultare, quoniam a  
 Deo sup trahatur siue ducatur. Quisquis enim  
 taliter in præsentī vita ab ipso reprehenditur &  
 iudicatur, ille felicem exitum & propitium iudi-  
 cem habebit. ¶ Deniq; hunc fundum exercere  
 cunctis est necessarium atque vtile hominibus,  
 quorū singulis tantum de sua salute deficit, quan-  
 tum in hoc fundo ipsis deest. Tantum enim, &  
 non amplius beatitudinis quisq; habebit, quan-  
 tum Deum & seipsum cognouerit & dilexerit,  
 & Christi imagini conformis extiterit. Quicq; d-  
 vero in his ei defuerit, hoc in pœnis purgatorij  
 expiare oportebit, donec ista eadem clare cogno-  
 scat. Ideoq; fundus iste istudq; exercitium omni-  
 bus necessarium est. Sciendum nihilo minus, q-  
 quisq; addere, siue demere aliquid potest, prout  
 sibi nouerit expedire, & prout tempus, locum &  
 oportunitatē habuerit, sibiq; prodesse vel obesse  
 perspexerit, vel etiam prout interius a fundo  
 se moueri, sibiq; proponi senserit.

De tribus cautelis, quas seruare quisq; de-  
 bet.

Cap. X.  
 O v Pri-



**P**rimo, ne nimis alte volet nec præsumptu-  
 olus sit in his, quæ supra ipsum sunt. Alio-  
 qui sentire non poterit immensum illud bo-  
 num, quod in ipso est, quod semper inclinatum  
 est deorsum manare & implere, illuminare ac  
 transradare simplices. ¶ Secundo, vt in Dei o-  
 pere se quietum seruet in omnibus interioribus  
 suis, nec ipsum perspiciat, nec scrutari vel appre-  
 hendere quærat, nec a cogitationibus suis educi  
 se sinat in vlla re, quam sibi intellectus admini-  
 strat: quia ex ipsius lucis irradiatione nouam sem-  
 per defectuum nostrorum ac vilitatis nostræ co-  
 gnitionem sentiemus. ¶ Tertio, vt se semper ge-  
 tum seruet, nec vnquam cesset seipsum interius  
 & exterius obseruare, habeatque semper bonū  
 aliquod exercitium, quo ignem diuini amoris in  
 semetipso accendere possit, vnusquisq; prout si-  
 bi pro sui status siue gradus cōditione viderit ex-  
 pedire, semperq; Deum in memoria, orationem  
 in ore, & opus in manibus seruet.

De tribus, quæ cauere quisq; debet. Ca. XI.

**P**orro, quisquis ad hunc peruenire fundum  
 desiderat, tria cauere debet. Primo, ne se ni-  
 mis extendat, nec in exercitijs suis sit multi-  
 plex. Per hoc siquidem facile distraheretur &  
 spiritus impediretur, grauareturque, & cor insta-  
 bile redderetur, sui que fundi obliuisceretur, cor-  
 pus denique debilitaretur. Exercitia quidem o-  
 mnia laudanda sunt, sed non nisi eatenus assu-  
 menda, quatenus ad præactum fundum, ad a-  
 morem Dei & sui ipsius contemptum adiuuant  
 et perducunt. ¶ Secundo, vt sibi caueat ab omni  
 præsumptione, sui ipsius reputatione, a displicen-  
 tia, &



## LIBER II.

tia, & proximi dijudicatione, ac vitæ illius detra-  
 ctione. Per hæc siquidem cor amaricatur, & sen-  
 sus atque natura hominis debilitantur, & ni-  
 hil nisi perpetuum conscientia remorsum, & ra-  
 tionis excæcationem adducunt: quæ nimirum ra-  
 tio tantum inde excæcatur, vt boni maliq; dis-  
 cretionem amittat. Et hinc multa sæpe turbatio  
 in congregationibus oriri solet, sibi que ipsi plu-  
 rimum nocet, qui omnia iudicare vult atq; cor-  
 rigere, oblitus suis ipsius. ¶ Tertio, ne a bono  
 discedens abeat in concilio impiorum, id est,  
 detractorum & inuidorum, neque stet in via il-  
 la, quæ ad huiusmodi mala deducit, nec sedeat  
 in cathedra pestilentia, id est, in carnalibus re-  
 bus suam nullatenus delectationem constituat.  
 Magis autem voluntas eius sit in lege domini,  
 & in lege eius meditetur die ac nocte. Et sic e-  
 rit tanquam lignum, quod plantatum est secus  
 decursus aquarum, quod fructum suum dabit in  
 tempore suo. Seruiamus ergo domino semper in  
 timore, & exultemus ei cum tremore.

De triplici spiritualium hominum genes-  
 re. Cap. XII.

**P**rimum genus hominum eorum, qui exer-  
 citium præactum in seipsis experiri atq; sen-  
 tire possunt, illi sunt, qui propria naturam su-  
 am, omnesq; creaturas constanter atq; hilariter  
 licentiantes, in hunc purum animæ fundum deuen-  
 runt, quiq; iam plene edocti atq; instructi sunt,  
 qualiter videlicet vitia ipsa in profundissimo  
 naturæ fundo, & in cordis secretissimo recessu  
 profunde nimis radices miserint subtus tres vi-  
 ces inferiores, animamq; deformem et naturam  
 falla-